

夜耶品第十一（名聞二十六偈）

昔有一道人 入聚落乞匁  
見死亡女人 青脣甚臭惡  
結跏趺而坐 觀視無常變  
省察敗不淨 一志學定心  
便於彼坐上 有微細音響  
聞聲用恐怖 則從一心起  
見死腹潰壞 惡露而不淨  
眾孔自流出 臭處難可當  
腸胃五臟見 心肝皆散絕  
若干無數蟲 為眾所見故  
察于外死身 觀已還靜心  
彼爾我如是 計本皆虛無  
自從三昧起 修行不懈怠  
亦不出分衛 亦不思飲食

設我入聚落 雖見端正色  
瞻彼諸形色 當作惡露觀  
察眾壞敗本 一切無所樂  
我思行如是 而得離愛欲  
奉遵四梵行 於彼壽終後  
於梵壽命盡 使得昇梵天  
下生波羅奈 深惟不輕戲  
為勢貴長者 生其家作子  
為眾所見故 畫日常修行  
見女人眾多 等觀如腐積  
枕鼓臥眠者 執箜篌伎人  
伎樂器散地 夢想為簾語  
於彼退思念 宿本功德行  
想識不淨處 前世所更歷

適觀覩此已

志求無欲意

我時逼迫是

仁者我捨去

即從床上起

下殿避之逝

諸天愍念我

其門自然開

時出于國城

往詣流水側

遙視見彼岸

見沙門寂根

又見大寂志

舉聲而大叫

告之我窮厄

神通我捨欲

世尊深軟音

用我辛苦言

童子來莫懼

於此無窮厄

心捨眾苦惱

轉度於彼岸

往詣大哀所

世尊無比人

絕妙無等倫

譬如飢渴者

倒解識其義

即解識其義

於彼見道諦

從佛求捨家

瞿曇大慈哀

聽我作沙門

應時一夜中

天時將向曉

一切諸漏盡

清涼得滅度

是我前世時

所更作善行

是我最後世

逮得甘露跡

如是賢夜邪

尊者子神通

於阿耨達池

自說本所作